

5. september 2025

UKA 2025/132

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Pilersaarusiorneq aamma nunaminertat atorneqartarnerat pillugit Inatsisartut inatsisaat nr.17 17. november 2010-meersoq nutaamik eqaannerusumillu iluseqalersinnaaqqullugu apeqquteqaat aallaavigalugu oqallisissiaq.

(Inatsisartunut ilaasortaq Aqqalu C. Jerimiassen, Atassut)

Nammineq illoqartilluta nunaminertaq pissarsiarput tassaannaasarpog taannarluinnaq, qalissiaa, pujoorfia, tummerai, aneerasaartarfii il.il eqqarsaatigalugit iliuuseqassatilluta pisortaniit akuerisaaqqaarnissarput piumasaqaataavoq.

Assersuutingalugu illuuteqartoq nalunaarsorneqarsimasumi 86m²-isut annertutigisoq pigivaa, qalianilu igalaani allanngortinniarlugit sammivii nikisissagunigit nunaminertalersunit immikkut akuerisaaqaartariaqarpoq, immaqalu itigartitaasinaalluni.

Aajuna eqqarsarnartua; soq nammineq illoqartuusup qalissiami taarsernissaa kusanarnerusunik marraasannguanik taarsertikkusullugu qinnuteqarsimappat itigartinneqassua, saniliisagooq qaliaat nalinginnaasutut qalissiaammat assigiinnissaat pingaarnerummat? Ila tamakku pissutsit ajoraluartumik taalluaannarlugu illarnaannarput. Nammineq illoqartoq soq nunaminertaq pissarsiani eqqissilluni qanorluunniit atorsinnaassanngilaa sanilinit akornusersuutaanngippat?

Illutaartoq qanorsuaq piumasaminik allanngortiterisinnaaniarli nunaminertamut pissarsiarisimasaminut, ajornaqaarmi qalialimmiikkuni qalianiluunniit illu qaliatigut uiganeqarpat allissuserniaruniuk neruttorsalaarlugu allanut kalluaataanngivissumik, soq akimmisaartinneqassua?

Nunaminertaq pissarsiaq tassaali illuuteqartup nammineq sanaartorfigisinnaasaa ilerasuuteqarani, taassuma nunaminertap iluani soq quiliulaarniaruni illumi saani ataqqinnaanngikkaluarmik qinnuteqaqqaassava? Ajornaqaaq nunaminertaannaanani silaannartaq ilanngullugu illuuteqartoq aqunniassagaanni eqqarsartaaseq ittagavallaalersimavoq, allaassagalarpoq nunami tattorliuulluinnarfiusumik inissisimasuugutta.

Atagu immitsinnut eqaallisaataasunik sullisilaartali, aporfissatummi inatsisiliaasimasut naammaqaat, maanna tamakku atorfissaqartinngilagut eqaannerungaartumik suleriutsimik ujartueqatigiinniarta.

Atassut

Sanaartornerusoqarnissaa nunatsinni atorfissaqartipparput, inuit amerlanerpaat namminneerlutik illusinissaat pisariaqartipparput, pisortat inissiaataanni najungaqartuarnissaq minnerpaaffissaaniitittariaqarparput, minnerunngitsumillu siunissaq ungasinnerusoq isigalugu pisortat inissialiortiternerat minnerpaaffissaanileriaartuaartariaqarpoq sanaartorfigissaanermullu sammiveqarneruleriaartuaarluni, inuit nammineeq illutaarsinnaanissaat annerusumik ukkattariaqaratsigu maannakkumiit!

Piffissaavoq maannakkut inuit namminneq pigisaminnik illoqarnissaata ukkatarineqarnissaanut!

Oqallilluarisi.